

Miercus 11
S. Ignazi

Sabide 14
S. Matie apuestul

Martars 17
S. Pascâl Baylon

Il proverbi
No baste vè reson,
bisugne fâle intindi



Il soreli
Ai 11 al jeve aes 5.36
e al va a mont aes 20.30

Joibe 12
S. Liopolt

Domenie 15
Pasche floride

Il timp
Bielis zornadis di soreli

Lis voris dal mès
E je ore di meti i sostegn
a pomodoros, favis e fasûi rampighins



La lune
Ai 13 prin cuart

Vinars 13
B.V.M. di Fatime

Lunis 16
S. Ubalt vescul



FILOLOGJICHE
Fraie de Vierte a Secuals

Dentri de Setemane de culture furlane promovude de Societât Filologjiche, domenie ai 15 di Mai si fasarà la tradizional fieste di Primevere, la Fraie de Vierte, che e sarà ospitade dal Comun di Secuals. Une bieles ocasion par scuvierzi il país di Primo Carnera e dai teracirs e mosaiciscj che a àn savût puartâ la lôr art in dut il mont. Apontament aes 9 e mieze a buinore cu la Messe par furlan inte glesie di Sante Marie Assunte a Lestans, che e sarà celebrade di pre José Itálico Gerometta cul compagnament dal coro Cai di Spilimberc. Aes 10 e trê cuarts a tacaran lis voris in Vile Savorgnan. Lunis ai 16, grant finâl de Setemane cul concert «Di jerbas e di suns. Musiche e peraulis par une Spoon river cjargnele» tal Teatri Gnûf di Udin (informazions in Provincie, telefon 0432/279730-37 o 279431), par memoreâ la figure, la opare e la musiche di Giorgio Ferigo e dal Povolâr Ensemble. Il program de Setemane, zornade par zornade, su: www.scf2016.it

BRANC
Mostre su la emigrazion

Scree sabide ai 14 di Mai, aes 11 di matine, te sale parochiâl daûr de vecje glesieute di Branc, de mostre «Memorie di par Toni di Millie. La emigrazion furlane in Stirie tal Votcent», par cure di Sandro Comuzzo. Si podarà visitâle dome ai 15 e domenie ai 22 di Mai des 10 di matine a misdi e des 3 aes 6 daspomisdi.

Setemane che e ven il gnûf «Alc&Cè», il gjornalut par fruts che al ven fûr tant che suplement da «la Vite Catoliche» cul sostegn de Arlef

Tra nature e aventure

Sul ultin numar si cjatarà une schirie di conseis par cjaminâ in mont in sigurece e divertintsi, e trê propuestis di escursions facilis, buinis par dutis lis fameis cun fruts

STÂT PAI FRUTS: Timp par zuiâ, lei, durmî di plui la matine, viazâ, judâ mame e papà (sigûr, ancje chel!), fâ cjistiei di savalon su la splaze e bielis cjaminadis in mont: une ocasion maraveose par fâ moviment amirant panoramis di gjavâ il flât, gjoldi de nature scoltant il rumôr di un riu o il cjant dai ucies, scuvierzi rosis e besteutis che a cjase no si puedin viodi. Ve alore che sul gnûf numar di «Alc&Cè», l'ultin prin dal Istât, si podarà cjatâ une schirie di conseis par cjaminâ in mont in sigurece e divertintsi, e trê propuestis di escursions facilis, buinis par dutis lis fameis cun fruts, ancje chei picinins, di puartâ cul russac, cul marsupi o cu la fasse.

Il gjornalut dut in lenghe furlane al vignarà fûr setemane che e ven tant che suplement da «la Vite Catoliche», in grazie dal contribût de Agenzie regionâl pe lenghe furlane. Sedis pagjinis, dutis a colôrs, cun fumets, zûcs e tancj approfondiments par fevelâ ai fruts di ce che

ur plâs o ju tocje di dongje.

Tes sôs «Storiis dal ort», l'espert Gianfrancesco Gubiani al spiegherai ai frutins la impuartance di meti intal ort jerbis aromaticis e rosis che no dome lu fasin biel e cetant profumât, ma a judin ancje l'ortolan a parâsi dai parassits, tant che tal câs de salugiee che e slontane lis paveis dal cauli, protagonistis de ultime storie dal ort.

Oscar Puntel, tal so «Laboratori di tecnologie», al insegue a costruî in cjase un sisteme di amplificazion pai telefonuts, fat di cjarte e plastiche! E po, tancj fumets, zûcs e «La pueste di Alc&Cè». I fruts che a àn voie di viodi publicâts une lôr foto o dissen, a puedin mandâju ae redazion di «Alc&Cè» in vie Trep 5, 33100 Udin.

La riviste e ven doprade in cetantis scuelis elementârs e mediis des provincis di Udin, Gurize e Pordenon dulà che si insegne il furlan. I mestris che a vuelin vèle pai lôr arlêfs, sore nuie, a puedin domandâle telefonant al numar



La cuvertine dal gnûf «Alc&Cè». 0432/242611 o mandant une e-mail a: amministrazione@lavitacattolica.it
ERIKA ADAMI

Storie de art furlane in lenghe/66..... Di Carone, une grande nomee

DAL 1527 O VIN il plui maestôs lavôr di Carli di Francesc di Carone (*a man drete, une dôs sôs oparis*) che nus è restât: l'altâr in piere blancje pe glesie dai Sants Pieri e Pauli di Lavarian. Culi si viôt che la art dal Carli e vongole tra la Lombardia e la Toscane fondintsi cun chê venite. Lis figuris di largje fature, ancje se nus soeimein pesantis e forsît imberdeadis tal moviment, a son pre-seadis pe espression che a àn.

L'autôr ator pal Friûl al à une grande nomee ancje par vie che i vevin dât di fâ, tal 1528, il Font batesimâl di Aquilee, paiât 36 ducâts, sume cence dubi une vore alte, che si riferive cuasi di sigûr ae cualitât dal marmul plui che al lavôr dal pichepiers. Cuntun implant tradizional, invezeit, e je la Font batesimâl fate tal 1530 pe glesie di Puartis, dulà che e rivif la stesse ingenuitât e la stesse tranquillitât tal tratâ la piere che si veve za notât te Font di Sant Denêl. Tal stes 1530 al fasè un altâr pe glesie di Sant Martin a Rivis Darcjan. Al riclame chel di Lavarian, ancje se mancûl monumental, cun diversis figuris che a àn un gust campagnûl e grês, forsît ancje a cause di une piture cuasi inesperte e une esecuzion mancûl



curade tai particolârs, semplificant ancje lis decorazions tai capitei e lis lesenis pôc lavoradis, duncje un lavôr che nol veve nuie a ce fâ cun chel di Lavarian.

Fra il 1520 e il 1530 al pues jessi colocât pes precisis analogjiis il Tritic cu la Madone il frut e i Sants Tomâs e Sualt te glesie parochiâl di Glaunic. Dal stes timp, il Crist puarterôs che o cjatin te glesie di Sante Marie dal Clap dongje Divilin. O podin assegnâ a lui ancje altris cinc sculturis minôr esistentis a Rodean, Spilimberc, Flambri, Versute e Cosean e cualchidune in

altris país dal Friûl. Tai stes agns o vin l'ultin grup di oparis restadis: une statue pe glesie di Sant Laurinç e un altâr pe glesie di Sant Valantin simpri a Flumisel. Ancje se no si cjatin documents, dopo tantis atribuzions, ae fin a son stadis assegnadis a Carli. Dopo plui nuie, un sôl document dal 1545 che al testimonee che Carli si jere impegnât a fâ une ancone in piere pe glesie di Sant Nicolò di Rodean, ma de opare no je stade cjatade olme e no son stadis cjatadis altris notiiziis, cun dute probabilitât par vie che l'artist al è mancjât.

BEPI AGOSTINIS

«Sul Troi di Aquilee», vinars ai 13 di Mai, a Pasian di Prât

A continuin lis presentazions dal libri «Sul Troi di Aquilee» di Christian Romanini (edizions Glesie Furlane, www.glesiefurlane.org). Vinars ai 13 di Mai, aes 6 e mieze sore sore, Christian Romanini al sarà ospit de Biblioteche «Pasolini» di Pasian di Prât in vie Rome. Cun lui e sarà Erika Adami, cjâf redatore da «la Vite Catoliche». «Sul Troi di Aquilee» al è un diari di viaç che l'autôr al dediche a so fi Lorenzo e al conte la esperience fate su la prime part dal «Cjamin Celest» (www.camminocelste.eu) che chest an, «An nazional dai cjamins», al fâs dis agns di vi-

te. Il «Cjamin Celest» al è lunc 210 chilometris, di Aquilee fin su la Mont Sante di Lussari, e Romanini al è partît di Barbane, passant par Grau, Aquilee, Dael e Cormons fin a Madone di Mont, par un total di 70 chilometris in cuatri dis. «Il viaç a pît, prime di jessi une esperience fisiche – al spiegherai Romanini – al è prin di dut une esperience interiôr: al è un cjaminâsi dentri di se». Il libri al è in distribuzion tes librariis dal Friûl o si pues domandâlu scrivint une email a info@glesiefurlane.org

SERVIZI POSTALI di Altissimo Livello Qualitativo

un nuovo sistema rapido e sicuro

Agenzia di Domini Stefania

CODROIPO

Via Roma, 55 (UD)
dal lunedì al venerdì
8.30-18.30 orario continuato
sabato dalle 8.30 alle 12.00
Tel. 327.3616847
codroipo@i-post.it

Siamo presenti anche a UDINE

In Via S. Francesco d'Assisi, 33
dal lunedì al venerdì
9.00-18.00 orario continuato
Tel. 0432 229338
udine@i-post.it

"nella posta ci mettiamo il cuore"



- Recapito Certificato
- Raccomandata Semplice ed A/R
- Posta Prioritaria
- Posta Massiva
- Tracking
- Pagamento Bollettini
- Direct Marketing
- Door to Door
- Data Service
- Elaborazione Documenti
- Produzione DM
- Imbustamento e Piegatura
- Business Communication
- Spedizione Pacchi
- Imballaggio